

Na osnovu člana 26. Zakona o poljoprivredi ("Službene novine FBiH", broj: 88/07, 04/10, 07/13), u skladu sa članom 3. Pravilnika o uslovima, kriterijima i postupku ostvarivanja prava na novčane podrške u primarnoj poljoprivrednoj proizvodnji na području grada Tuzle („Službeni glasnik Grada Tuzla“, broj: 7/21), Pomoćnik gradonačelnika za Službu za ekonomski razvoj, poduzetništvo i poljoprivredu, donosi

PROGRAM NOVČANIH PODRŠKI U PRIMARNOJ POLJOPRIVREDNOJ PROIZVODNJI KOJE SE DODJELJUJU IZ BUDŽETA GRADA TUZLE ZA 2023. GODINU

I

Programom novčanih podrški u primarnoj poljoprivrednoj proizvodnji koje se dodjeljuju iz Budžeta Grada Tuzle za 2023. godinu (u daljem tekstu: Program) određuju se vrste novčane podrške u oblasti animalne i biljne proizvodnje, iznos novčane podrške po jedinici podržavane vrste proizvodnje, vrsta i iznos novčane podrške za izvršena ulaganja u nabavku novih poljoprivrednih sredstava u tekućoj godini, maksimalan iznos novčane podrške po korisniku za svaku podržavanu vrstu proizvodnje, te opći uslovi i kriteriji za ostvarivanje prava na novčane podrške.

II

Svrha ovog Programa je:

- povećanje iskorištenosti obradivog poljoprivrednog zemljišta,
- povećanje obima poljoprivredne proizvodnje,
- razvoj i intenziviranje postojećih vrsta poljoprivredne proizvodnje, u funkciji povećanja domaće proizvodnje hrane,
- bolje snabdijevanje domaćeg tržišta poljoprivredno-prehrambenim proizvodima,
- ruralni razvoj,
- podrška samozapošljavanju u okviru porodičnih poljoprivrednih gazdinstava i dr.

III

Novčana podrška u smislu ovog Programa predstavlja podršku poljoprivrednim proizvođačima na ime refundiranja sredstava utrošenih za nabavku repromaterijala za poljoprivrednu proizvodnju i za nabavku poljoprivrednih sredstava, izvršenih u 2023. godini.

IV

Sredstva za novčane podrške iz tačke I ovog Programa planirana su u Budžetu Grada Tuzle za 2023. godinu na poziciji „Grant pojedincima za poticaj poljoprivredne proizvodnje“, ekonomski kod: 614239-17, u iznosu od 110.000,00 KM i „Grant privatnim preduzećima i poduzetnicima za poticaj poljoprivredne proizvodnje“, ekonomski kod: 614515, u iznosu od 30.000,00 KM.

V

Pri izradi ovog Programa uvažavali su se sljedeći parametri:

- iznos sredstava u Budžetu Grada Tuzle za 2023. godinu planiranih za ove svrhe,
- kontinuitet podsticajnih mjera, efekti i iskustva u realizaciji podrške primarne poljoprivredne proizvodnje iz prethodnih godina,
- važeći uslovi, kriteriji, obim i vrste novčanih podrški po modelu poticaja proizvodnji na području Tuzlanskog kantona i na području Federacije BiH,
- prijedlozi i sugestije učesnika u sektoru poljoprivrede (poljoprivredni proizvođači, udruženja poljoprivrednika, zadruge, otkupljivači poljoprivrednih proizvoda) i dr.

VI

Opći uslovi koje moraju ispunjavati fizička i pravna lica, te registrovani poljoprivredni obrti (u daljem tekstu: korisnici), da bi ostvarili pravo na novčane podrške u smislu ovog Programa su:

- da imaju prebivalište, odnosno poslovno sjedište na području grada Tuzle,
- da su upisani u Registar poljoprivrednih gazdinstava i Registar klijenata, (u daljem tekstu: RPG i RK),
- da su u tekućoj 2023. godini na području grada Tuzle ostvarili neku od poljoprivrednih proizvodnji ili izvršili nabavku poljoprivrednih sredstava,
- da su izvršili ažuriranje podataka u RPG i RK do 31.03. 2023. godine,
- da su ispunili dospjele obaveze po osnovu ugovora o zakupu državnog poljoprivrednog zemljišta, od momenta zaključenja ugovora do 31.12. 2022. godine.
- da su ispunili porezne obaveze za prethodnu godinu:
 - a) fizička lica dokazuju:
 - uvjerenjem nadležne Porezne uprave o izmirenim dospelim poreznim obavezama za 2022. godinu.
 - b) pravna lica i obrti dokazuju:
 - uvjerenjem nadležne Porezne uprave o izmirenim dospelim poreznim obavezama za 2022. godinu, kao i izmirenim obavezama po osnovu PIO/MIO za 2022. godinu,
 - uvjerenjem o izmirenim obavezama po osnovu indirektnih poreza, izdato od Uprave za indirektno oporezivanje, ukoliko je podnositelj zahtjeva u sistemu PDV-a, a za subjekte koji nisu u sistemu PDV-a dostavlja se uvjerenje Uprave za indirektno oporezivanje da nisu u sistemu PDV-a.

VII

Pored općih uslova iz tačke VI ovog Programa, korisnici moraju ispunjavati sljedeće kriterije u pogledu minimalnog obima uspostavljene proizvodnje, da bi ostvarili pravo na novčanu podršku za predviđene vrste proizvodnje u oblasti biljne i animalne proizvodnje, te za nabavku poljoprivrednih sredstava:

1) BILJNA PROIZVODNJA

- 1.1. Uspostavljena i prijavljena proizvodnja ratarskih kultura na površini od najmanje 0,5 ha,
- 1.2. Uspostavljena i prijavljena proizvodnja povrća na otvorenom na površini od najmanje 0,1 ha, a za proizvodnju kornišona za industrijsku preradu minimalna površina iznosi 500 m²,
- 1.3. Uspostavljena i prijavljena proizvodnja povrća u zaštićenom prostoru na površini od najmanje 100 m²,
- 1.4. Uspostavljena i prijavljena proizvodnja krošnjastog voća na površini od najmanje 0,3 ha,
- 1.5. Uspostavljena i prijavljena proizvodnja jagodičastog i bobičastog voća na površini od najmanje 0,1 ha,
- 1.6. Uspostavljena i prijavljena proizvodnja gljiva (korisnici koji za proizvodnja utroše najmanje 10 tona supstrata godišnje).

2) ANIMALNA PROIZVODNJA

- 2.1. Muzne krave - korisnici koji posjeduju 2 ili više muznih krava u liniji otkupa mlijeka i koji su istu prijavili u RPG i RK u 2023. godini,
- 2.2. Uzgoj rasplodnih krmača i nazimica – korisnici koji imaju najmanje 2 nazimice ili suprasne (rasplodne) krmače prijavljene u RPG i RK u 2023. godini,
- 2.3. Košnice pčela, uzgoj pčelinjih zajednica – korisnici koji imaju 15 do 50 društava za proizvodnju meda prijavljenih u RPG i RK u 2023. godini.

3) NABAVKA SREDSTAVA U POLJOPRIVREDI

- 3.1. Nabavka visoko steonih junica i muznih krava Simmentalske, Holstein-frizijske ili pasmine nastale križanjem Simmentalske sa Holstein-frizijskom pasminom, da nisu starija od 4 godine,
- 3.2. Nabavka plastenika površine 100 m², sa sistemom za navodnjavanje i bačvom od minimalno 500 l.

VIII

Vrste, pojedinačni i maksimalan iznos novčanih podrški u primarnoj poljoprivrednoj proizvodnji koje će se odobravati iz Budžeta Grada Tuzle za 2023. godinu, utvrđene su kako slijedi:

RB	Vrsta proizvodnje	Jedinica mjere	KM/jed. mjere	Najmanji obim proizvodnje u jedinicama mjere po vrstama proizvodnje	Maksimalan iznos novčane podrške po korisniku u KM
1. BILJNA PROIZVODNJA					
1.1.	Proizvodnja ratarskih kultura	ha	280,00	0,5 ha	1.000,00
1.2.	Proizvodnja povrća na otvorenom	dunum	200,00	1 dunum	1.000,00
1.3.	Proizvodnja povrća u zaštićenom prostoru	m ²	2,00	100 m ²	1.000,00
1.4.	Proizvodnja krošnjastog voća	dunum	150,00	3 dunuma	1.000,00
1.5.	Proizvodnja jagodičastog i bobičastog voća	dunum	150,00	1 dunum	1.000,00
1.6.	Proizvodnja gljiva	t	50,00	10 t supstrata godišnje	1.000,00
2. ANIMALNA PROIZVODNJA					
2.1.	Nabavka koncent. stočne hrane za muzne krave	grlo	150,00	2 muzne krave u liniji otkupa mlijeka	1.000,00
2.2.	Nabavka koncent. stočne hrane za nazimice i krmače	grlo	80,00	dvije nazimice ili suprasne (rasplodne) krmače,	1.000,00
2.3.	Nabavka hrane za prihranu pčela (pogačice)	košnica	6,00	15 društava/košnica	300,00
3. NABAVKA NOVIH SREDSTAVA I OPREME U POLJOPRIVREDI					
3.1.	Nabavka visokosteonih junica/muznih krava	grlo	do 49% od vrijedn. investicije	nabavka 1 muzne krave	2.000,00
3.2.	Nabavka opreme u biljnoj proizvodnji (plastenici)		do 49% od vrijedn. investicije	nabavka 1 plastenika od 100 m ²	2.000,00

IX

Maksimalna novčana podrška za ukupno ostvarenu biljnu proizvodnju u svim vrstama biljne proizvodnje podržavane ovim Programom, iznosi 1.000,00 KM po korisniku.

Korisnik podnosi jedan zahtjev za novčanu podršku za ostvarenu biljnu proizvodnju u 2023. godini kojim su obuhvaćene sve vrste biljne proizvodnje podržavane ovim Programom, za koje ispunjava utvrđene kriterije i uslove.

Maksimalna novčana podrška za ukupno ostvarenu animalnu proizvodnju u svim vrstama animalne proizvodnje podržavane ovim Programom, iznosi 1.000,00 KM po korisniku.

Korisnik podnosi jedan zahtjev za novčanu podršku za ostvarenu animalnu proizvodnju u

2023. godini kojim su obuhvaćene sve vrste animalne proizvodnje podržavane ovim Programom, za koje ispunjava utvrđene kriterije i uslove.

Za izvršenu nabavku novih sredstava u poljoprivredi (nabavljena muzna grla i plastenici), maksimalna novčana podrška iznosi 2.000,00 KM po korisniku i ne može prelaziti 49% vrijednosti investicije.

Korisnik može podnijeti samo jedan zahtjev za nabavku poljoprivrednih sredstava.

Shodno odredbama stava 1. tačka IX ovog Programa, ukupna novčana podrška koju korisnik može ostvariti po svim podnesenim zahtjevima i vrstama, ne može prelaziti iznos od 4.000,00 KM.

Ukupna novčana podrška koju korisnik može ostvariti po svim vrstama novčane podrške iz ovog Programa utvrđena je važećim Pravilnikom o uslovima, kriterijima i postupku ostvarivanja prava na novčane podrške u primarnoj poljoprivrednoj proizvodnji na području grada Tuzle („Službeni glasnik Grada Tuzla“, broj: 7/21) i iznosi 4.000,00 KM.

X

Nakon donošenja ovog Programa, Služba za ekonomski razvoj, poduzetništvo i poljoprivredu će putem web stranice Grada Tuzle obavijestiti poljoprivredne proizvođače sa područja grada Tuzle o početku podnošenja zahtjeva za ostvarivanje prava na novčane podrške u primarnoj poljoprivrednoj proizvodnji koje će se odobriti iz Budžeta Grada Tuzle za 2023. godinu, te o načinu i rokovima podnošenja zahtjeva.

XI

Po isteku roka za predaju zahtjeva za ostvarivanje novčane podrške u smislu ovog Programa, Služba za ekonomski razvoj, poduzetništvo i poljoprivredu će provesti postupak rješavanja zaprimljenih zahtjeva.

Ukoliko ukupan iznos obračunate novčane podrške po svim urednim zahtjevima bude veći od planiranih sredstava u Budžetu Grada Tuzle za 2023. godinu, navedenih u tački IV ovog Programa, izvršit će se proporcionalno smanjenje iznosa obračunate novčane podrške po korisniku.

XII

Za realizaciju ovog Programa zadužuje se Služba za ekonomski razvoj, poduzetništvo i poljoprivredu i Služba za budžet i finansije Grada Tuzle.

XIII

Ovaj Program stupa na snagu danom donošenja i ne objavljuje se u Službenom glasniku Grada Tuzle, a važi do 31.12.2023. godine.

Broj:04-11-9012-2023

Tuzla, 02.06.2023. godine

**Pomoćnik gradonačelnika
za Službu za ekonomski razvoj, poduzetništvo i poljoprivredu**

Alma Halilović, dipl. ecc.